

# S'ambulante tonaresu

Peppino Mereu

Cun d'unu cadditteddu feu e lanzu  
sa vida tua a istentu la trazas;  
da'una 'idda a s'attera viazas,  
faghes Pasca e Nadale in logu istranzu.

A caldu e frittu girende t'iscanzas  
pro chimbe o ses iscudos de 'alanzu,  
dae s'incassu de sett'otto sonazas  
chi malamente pagant unu pranzu.

Sempre ramingu senza tenner pasu,  
de una 'idda a s'attera t'ifferis  
aboghinende inue tottu colas:

«Discos nobos pro fagher su casu  
e chie leat truddas e tazeris  
e palias de forru e de arzolas!».